
Tuhaqtitauyughaq

CANADA-NUNAVUT PAANNARIKNIQ HAVAAGALIURIAMI, AULLAQTIKARLUGIT AVIKTURHIMAYUNI PIANGAIYARNIIT

Iqaluit, Nunavut, July 7, 2009 – Nanngariyauyuq Leona Aglukkaq, Kanadaup Ministaa Aanniaqtailinikkut, unalu Nanngariyauyuq Eva Aariak, Nunvutip Hivuliqtia, uplumi uqaqtuk nunallaat Nunavunmi ikayuqtauniaqtut hapkunanga avatquhimayumit \$7.2 million atauttikkut kavamatkunnit maniliqtuinirnit tapkununga malruukni aulapkarnikkut havaktauyughanik talvuuna nutaami kavamatuqatkunnit Aulapkarnikkut Aullaqtipkainikkut Manighainni.

Kavamait Kanadaup Nunavutiplu Nunalipauyaa Iqaluup atuni tunihiniaqtut kikliqarluni imaatut \$748,740 uvunga ihuarharninganut sikiirarviup uvani Ukiuqtaqtumi Ulapqinikkut Sikiirarvi. Nappaqtirniaqtut nutaamik haamlatkut havakvikhaanik Taloyoakmi ikqayuqtauniaqtuq uumanga kikliqarluni imaatut \$2.5 million kavamatuqainnit aullaqtipkainikkut maniliqtuinirmit aatjikutauyumillu tunihinirmit Nunavut Kavamatkunnit.

“Ataani hakugiktumit hivuliqtirnianit Kanadaup Hivuliuqtimit Stephen Harper, Kavamakput huliliqtuq pualritit pualrihaligianginnik nunamit aullaqtipkarlugulu manit qayumiktumik aullaptipkaiyaamik piangaiyarnirmik piliuriamilu havaagahnik Nunavunmut,” uqaqtuq Minista Aglukkaq. “Qanaqquq paannariiktiarnirnik kavamaptikni, havaqatigiiktaaqtuqut ikayurlugit Nunavut nunallaat avikturhimayunilu piangaiyarnirniit aullaliqparlutik tatja hivunighanilu.”

“Quviahuktugut havagapta paannagiiqatigiplugit kavamatuqatkunni havaqativut aullaqtipkarnahuarhugut piangaiyarnivut pimmarigharnahuarhugulu aullapkainivut,” uqaqtuq Hivuliqti Aariak. “Nunalipauyaa Iqaluit Haamlatkullu Taloyoakmi ilauyut angiyumi upalungaiyautiptikni pivallialiurningani aulapkaitjutighaptikni.”

“Kavamapta maniliqtuiniit Nunvutip aulapkaitjutighainni piliurniaqtuq havaaghanik, pimmarigharlugit inuuhit Nunavunmiut, ikayurlugulu aulaninga avikturhimayuni piangaiyarniit,” uqaqtuq John Baird, Kanadaup Ingilranikkut Aulapkainikkullu Ministaa.

“Quviahukpiaqtunga takugapkit hapkuat havaktauyughat hivumuuyut ikayurutaitigut nunallaaptiknit kavamatuqatut paannagiiktiiktiknit,” uqaqtuq Nanngariyauyuq Lorne Kusugak, Nunavutip Ministaa Nunalingni Kavamatkunnilu Pivikhaqautikkut. “Kaffiuyut

aulapkailiqinikkut havaktauyughat havaktauliqtut niriuktugullu aallaniklu nakuuyunik tuhaqtauyughanik ikayurnikkut nunallaanik hivunighani.”

Kanada Nunavullu havaqatigiiktuk piliurningani havaaghanik aulaninganilu piangaiyarnirmik, taimaalu angiyunik maniliqtuiplutik ikayurutiuyunik nunallaanik pimmarigharniinni aulapkaitjutinginni. Tamarmik kavamait angirhimayuk havaqatigiiglutik piyaamik hapkuat manighat tuniyauyaanginnik kayumiktumik nakuuyumiklu nunallaanut Nunavunmi.

Kanadaup Kavamaata 2009 Piangaiyarnikkut Hulinikkut Upalungaiyautaa irinaqtiliqtaat angikliyuummiliqtaallu taamna tahamaniittuq kavamatuqatkut maniliqtuinia una \$33 billion aulapkainikkunnut tamaani Kanadami imaatut tikinnuarhugu \$12 billion hapkunani nutaani aulapkainikkut aullaqtipkainirni manighani ukunani tikittughahani malruukni ukiuni.

Hivuagut ilitturipkaitjutighaq havaktauyughani naunauyautinilu uumani Aulapkainikkut Aullaqtipkainikkut Manighainni ilauhimayuq.

###

Aallanik ilitturipkaitjutighanik aulapkainikkut havaktauyughani Nunavunmi, takutjavat www.creatingjobs.gc.ca.

Ilitturittiarlugu Kanadaup Piangaiyarnikkut Hulinikkut Upalungaiyautaa, takutjavat www.actionplan.gc.ca.

Uqarvighat:

Josee Bellemare
Tuhaqtipkainikkut Titiraqti
Havakviani Nanngariyauyup Leona Aglukkaq
Minista Aanniaqtailinikkut
613-957-0200

Yasmina Pepa
Havakvia Hivuliqtip Aariak
Nunavut Kavamat
867-975-5059

Chris Day
Tuhaqtipkainikkut Titiraqti
Havakviani Kanadaup Ingilranikkut Aulapkainikkullu
Ministaup
613-991-0700

Infrastructure Canada
613-948-1148